

ԳՆԴԵՐԷՑՆԵՐԻ՝ ԾԱՌԱՅՈՒԹԻՒՆԸ ՀԱՅՈՑ ԲԱՆԱԿՈՒՄ

Տ. ՆԵՐՍԷՍ ՔԱՀԱՆԱՅ ԱՍՐԵԱՆ

monk-deacon@mail.ru

ՄՈՒՏՔ

Չնայած արդի աշխարհում ռազմական ուժի հզորությունը սերտորեն պայմանաւորուած է գերժամանակակից ու կատարելագործուած ռազմա-արհեստագիտութեամբ ու սպառազինութեան յագեցուածութեամբ, այդուհանդերձ մարդկային գործօնը՝ հոգետր, հոգեբանական եւ բարոյական դրսետրումներով, շարունակում է չկորցնել իր առանցքային նշանակութիւնը: Եւ դա է այն հիմնական պատճառներից մէկը, որ այսօր էլ աշխարհի քրիստոնեայ շատ երկրներում (ԱՄՆ, ՌԴ, Ֆրանսիա, Միացեալ Թագաւորութիւն, Յունաստան, Չեխիա, Դանիա եւն.) գործում է բանակային հոգետրականների համակարգը: Անգամ ոչ-քրիստոնեայ որոշ պետութիւնների բանակներում լայն գործունէութիւն են ծաւալում երկրի պաշտօնական կրօնի գործիչները (մասնատրապէս, Իսրայէլի բանակում կրօնատրների դերն ամենաբարձր մակարդակի վրայ է դրուած):

Բանակում հոգետրականների ներկայութիւնն ու իրաւունքներն ամրագրուած են միջազգային իրաւական փաստաթղթերով եւս: Օրինակ՝ Ժընեւեան Երրորդ համաժողովի Դ. գլուխի 33րդ յօդուածը, ներկայացնում է գերելարուած բանակային հոգետրականի կարգավիճակն ու իրաւունքները, մասնատրապէս՝ հոգետրականը չի համարում ռազմագերի, եւ կարող է շարունակել իր հոգետր գործունէութիւնը ռազմագերիների շրջանում:

Հոգետր ծառայութիւն ունենալու տեսակէտից բացառութիւն չէ նաեւ հայկական բանակը, որտեղ 1997ից պետականօրէն հաստատուած ծրագրով հոգետր սպասատրութիւն են իրականացնում Հայ Առաքելական Եկեղեցու հոգետրականները:

ՊԱՏՄԱԿԱՆ ԱԿՆԱՐԿ

Հայ Եկեղեցին յընթացս պատմութեան, միշտ էլ կանգնած է եղել հայրենիքի պաշտպանութեանը զինտրագրուած հայորդիների կողքին, խօսքով ու գործով ոգեշնչել եւ ցուցաբերել հոգետր ու նիւթական աջակցութիւն, պետականութեան կորստի պայմաններում ստանձնել առաջնորդի դեր եւ յաճախ ազգային-ազատագրական պայքարի գլուխ կանգնել: Հայ Եկեղեցու հայրապետերը եւ հոգետրականները վճռական ճակատամարտերից առաջ օրհնել են հայոց զօրքերը, յաճախ ներկայ գտնուել, նոյնիսկ մասնակցել մարտական գործողութիւններին, հայ ժողովրդին տարատեսակ օտար լծերից ազատելու դիւանագիտական եւ զինեալ պայքար մղել (յիշենք Ներսէս Մեծ Պարթեւ, Յովսէփ Հողոցմեցի, Յովհան Մանդակունի,

Յակոբ Ջուղայեցի, Եսայի Հասան-Ջալալեան, Ներսէս Աշտարակեցի, Գրեգին Յովսէփեանց կաթողիկոսների անունները):

Դեռևս 338ին, երբ երկիր ներխուժած թշնամիների դէմ պայքարում զոհուեցին սպարապետ Վաչէ Մամիկոնեանն ու նրա զինակիցները, Վըրթանէս կաթողիկոսը կանոններ սահմանեց, ըստ որոնց սուրբ նահատակներ հռչակուեցին հայրենիքի պաշտպանութեան համար զոհուած հայորդիները³: Իսկ արդէն 451ին Հայ Եկեղեցու հոգետը դասը դարձաւ Վարդանանց պատերազմի ոգին ու «վասն հաւատոյ եւ վասն հայրենեաց» կարգախօսով զինուորագրուած հայ ժողովրդի հետ դուրս եկաւ Աւարայր՝ հայ զինուորի ու զօրավարի հետ կողք-կողքի մարտնչելով ընդդէմ թշնամու: Ուշագրաւ է այն միտքը, որ Աւարայրի ճակատամարտի նախօրէին հայոց զօրքին ուղղուած իր ոգեշնչող խօսքում արտայայտուած է առաջօր ռազմիկ հոգետորականի խորհրդանշան դարձած Ղետնդ երէցը. «*Դուք բոլորդ գիտէք, որ առաջուայ ժամանակները, երբ դուք պատերազմ էիք գնում, թէպէտեւ սովորութիւն ունէիք քահանաներին միշտ բանակում պահել, բայց ճակատամարտի ժամանակ ձեզ յանձնելով նրանց աղօթքին, որեւէ ամուր քեզ էիք թողնում նրանց. իսկ այսօր եպիսկոպոսները եւ երէցներն ու սարկաւազները, սաղմոսերգուներն ու գրակարդացները, ամէն մէկը... սպառազինուած եւ պատերազմի պատրաստուած՝ կամենում են ձեզ հետ միասին յարձակուել ու ջարդել ճշմարտութեան թշնամիներին»⁴: Ռազմական գործողութիւններին հոգետորականների անմիջական մասնակցութեան այս օրինակը թերեւս նախադէպ է ոչ միայն հայ, այլեւ համաքրիստոնէական իրականութեան մէջ:*

Այս ոգին ու մղումը ուղեւիշ եղան հայ հոգետորականութեանը դարերի ընթացքում մինչ այսօր: Դրա ակնառու օրինակներից է Յեղասպանութիւնից մազապուրծ հայ ժողովրդի կենաց-մահու օրհասական պայքարում 1918ի մայիսեան հերոսամարտերին հայ հոգետորականութեան ուղղակի մասնակցութիւնն ու յաղթանակների կերտմանը բերած հսկայական աւանդը: Գէորգ Ե. Սուրէնեանց կաթողիկոսի տնօրինութեամբ Հայ Եկեղեցին ոչ միայն նիւթական հսկայ աջակցութիւն էր ցուցաբերում նորակազմ հայոց բանակին, այլեւ Մայր Աթոռ Ս. Էջմիածնի միաբանները, անգամ բարձրաստիճան հոգետորականներ կամարող մեկեղեցին ռազմաճակատ՝ ոգետրելու հայ մարտիկներին, եւ նրանց հետ կողք-կողքի մասնակցեցին Սարդարապատի եւ միա ճակատամարտերին⁵: 1918ին վերականգնուած հայոց անկախ պետականութեան՝ բանակի շարքերում հայ հոգետորականն ունեցաւ իր անելիքն ու պարտականութիւնը. հայկական բոլոր գնդերն ունէին իրենց կցուած քահանաներ, որոնք, իդէպ, ամսական աշխատւարձ էին ստանում պետութիւնից⁶:

Հայ Եկեղեցին իր նշանակալից դերն ունեցաւ նաեւ արցախեան ազատամարտի տարիներին: Երջանկայիշատակ Վազգէն Ա. կաթողիկոսի տնօրինութեամբ վերաբացուած Արցախի թեմի հոգետորականներն առա-

ջին իսկ օրերից աջակից եւ զինակից եղան հայ ազատամարտիկներին եւ հնարատոր բոլոր միջոցներով նպաստեցին արցախահայության գոյամարտի յարթանակին: Պատերազմում հոգեւորականութիւնը նոյնպէս ունեցաւ անդառնալի կորուստներ. զոհուեցին Վահան վարդապետ Դալթեանը, Ռաֆայէլ սարկաւազ Խաչատրեանը եւ դպիր Արմէն Թովմասեանը⁷:

ՀՀ ՁՈՒ ՀՈԳԵՒՈՐ ԱՌԱՋՆՈՐԴՈՒԹԵԱՆ ԿԱԶՄԱՒՈՐՈՒՄԸ

Նորագոյն շրջանի հայկական զինուժը, ծնունդ առնելով արցախեան գոյամարտում եւ կամատրական ջոկատներից վերածուելով կանոնաւոր բանակի, փառահեղ յարթանակներ տարաւ եւ արժանիօրէն վաստակեց քանիցս ինչաձ «տարածաշրջանի ամենամարտունակ բանակ» գնահատականը: Հրադադարի հաստատումից յետոյ էլ բանակաշինութեան ընթացքը չդադարեց, այլ զարգացաւ մեծ թափով սկսուեցին աշխատանքներ տարուել մարտունակութեան եւ կարգապահութեան բարձրացման, բարոյահոգեբանական վիճակի կայունացման ուղղութեամբ: Եւ այստեղ էլ մեծ անելիք ունէր Հայ Առաքելական Եկեղեցին: Այդ իրողութեան քաջ գիտակցութեամբ 1997 Նոյեմբերի 13ին Գարեգին Ա. կաթողիկոսի եւ ՀՀ պաշտպանութեան նախարար Վազգէն Սարգսեանի համատեղ նախաձեռնութեամբ հիմք դրուեց ՀՀ Զինուած Ուժերի Հոգեւոր Առաջնորդութեանը: ՁՈՒ հոգեւոր նպասատւորների գործունէութիւնը կանոնակարգելու եւ վերահսկելու նպատակով նշանակուեց ծառայութեան պատասխանատու՝ Կրթանէս վարդապետ Արրահամեանը⁸:

ՀՀ ՁՈՒ հոգեւոր առաջնորդութեան ստեղծումից յետոյ առաջին ամենաանհրաժեշտ քայլերից մէկը ծառայութեան գործունէութեան կանոնադրութեան եւ ծրագրերի ստեղծումն էր: Իհարկէ, պատմութեան ընթացքում Եկեղեցու եւ բանակի յարաբերութիւնների կարգաւորմանն ուղղուած գրութիւններ եղել են՝ առաւելապէս զինուորականութեանն ուղղուած խրատական բնոյթի⁹: Կանոնակարգային տեսակէտից մեծագոյն նշանակութիւն ունեցող փաստաթուղթը 1918ին Երեւանի փոխթեմակալ Խորէն Եպիսկոպոս Մուրադբէկեանի (1932-8՝ Խորէն Ա. Ամենայն Հայոց կաթողիկոս) կազմած «Հրահանգ Զինուորական Քահանաների Համար» նախագիծն էր, որը նա նամակով ներկայացրել էր Գէորգ Ե. կաթողիկոսին՝ նշելով, որ հայկական զեղերի քահանաները դիմում են իրեն՝ խնդրելով հրահանգներ տարբեր հարցերի շուրջ: 10 կէտից բաղկացած նախագիծը հրահանգում էր, որ զինուորական քահանաները օրուայ որոշակի ժամերի պարտաւոր են լինել իրենց գնդի հետ, ազատ ժամերին դասախօսել Ս. Գրքից եւ ազգային-եկեղեցական ասանդութիւնից, վառ պահել զինուորների մէջ պարտքի գիտակցութիւնն ու սէրը ազգի եւ ազգային սրբութիւնների հանդէպ, սովորեցնել «Հայր Մեր»ը եւ երգել տալ օրը երեք անգամ, տօն եւ Կիրակի օրերին զինուորներին տանել եկեղեցի, մշտապէս լինել հոգեւորականի սքեմով ու առանց գէնքի են¹⁰:

Սակայն ոչ առկա պատմական վաւերագրերը, ոչ էլ արտասահմանեան երկրների փորձը բաւարար եղան, եւ երկու տարուայ աշխատանքներից յետոյ կազմուեց «Հոգետոր Ծառայութեան Կանոնադրութիւն», որով յստակեցուեց ու կանոնակարգուեց բանակում հոգետորականի գործունէութեան դաշտը, կառոյցը, խնդիրներն ու նպատակները: Կանոնադրութիւնը 14 Սեպտեմբերի 2000ին՝ Մայր Աթոռ Ս. Էջմիածնում, ստորագրուեց եւ հաստատուեց Գարեգին Բ. Ամենայն Հայոց կաթողիկոսի եւ ՀՀ պաշտպանութեան նախարար Սերժ Սարգսեանի կողմից՝ դառնալով յետխորհրդային երկրներում իր տեսակի մէջ առաջին պաշտօնական փաստաթուղթը¹¹: Յաւելեւք, որ հոգետորականի ներկայութիւնը բանակում վաւերացուեց նաեւ 2007ին ՀՀ ազգային ժողովի կողմից ընդունուած «Հայաստանի Հանրապետութեան եւ Հայաստանեայց Առաքելական Սուրբ Եկեղեցու Յարաբերութիւնների Մասին» օրէնքի 10րդ յօդուածով¹²:

Ըստ ընդունուած կանոնադրութեան՝ հոգետոր ծառայութեան ղեկավարումն իրականացում է Ամենայն Հայոց կաթողիկոսի օրինագրով եւ ՀՀ պաշտպանութեան նախարարի հրամանով նշանակուած հոգետոր առաջնորդի կողմից՝ ըստ պաշտպանութեան նախարարի անձնակազմի հետ տարրուող աշխատանքների (ԱՀՏԱ) գծով տեղակալի յանձնարարականների: Հոգետոր սպասատրները նշանակուած են ԶՈՒ հոգետոր առաջնորդի ներկայացմամբ, Ամենայն Հայոց կաթողիկոսի օրինագրով եւ ՀՀ ՊՆ ԱՀՏԱ գծով տեղակալի հրամանով: Բանակային գումարտակներում եւ զօրամասերում հոգետոր սպասատրները գործում են հոգետոր առաջնորդի եւ պաշտպանութեան նախարարի համատեղ հաստատուած ծրագրերով, իսկ ընթացիկ եւ կազմակերպական հարցերում առաջնորդում են տուեալ զօրամիաւորման կամ զօրամասի հրամանատարի եւ ԱՀՏԱ գծով տեղակալների հետ համատեղ մշակած ծրագրերով:

Հոգետոր ծառայութեան նպատակներն ու խնդիրներն են՝ ԶՈՒ անձնակազմին հաղորդակից դարձնել Քրիստոսի Աւետարանին եւ քրիստոնէական հաւատի սկզբունքներին՝ Հայաստանեայց Եկեղեցու դասանալքի, եկեղեցական կանոնների եւ ամանդութների համաձայն դաստիարակել քրիստոնէական-բարոյական սկզբունքներով եւ ազգային-հայրենասիրական ոգով, ուսուցանել կրօնական, եկեղեցագիտական, ծիսական գիտելիքներ, պայքարել աղանդատական եւ այլ վնասակար ուսմունքների դէմ:

Հոգետոր սպասատրներն ազատուած են շարքային ծառայութիւնից եւ իրենց գործունէութիւնն իրականացնում են հոգետորականի զգեստով:

ՀՈԳԵՒՈՐ ԱՌԱՋՆՈՐԴՈՒԹԵԱՆ ԳՈՐԾՈՒՆԷՈՒԹԻՒՆԸ

Իր՝ երկու տասնամեակից անլ գոյութեան ընթացքում ՀՀ ԶՈՒ հոգետոր առաջնորդութիւնը բաւականին նշանակալի ուղի է անցել՝ աստիճանաբար զարգանացնելով իր փորձառութիւնը եւ մեծացնելով արդիւնաւէտութիւնը: 1997ին բանակում սպասատրելու մեկնեցին 8 հոգետորականներ, իսկ այ-

սօր այդ թիվը շուրջ 70 է: Չնայած հոգեւոր սպասատրութեան շրջանը պայմանականօրէն երկու տարի է, շատ հոգեւորականներ ինքնական երկարածգում են իրենց ծառայութեան ժամկէտը, իսկ հոգեւորականների մի մասն արդէն բանակում նշանակուած է մշտական հիմունքներով:

Գնդերէցներն իրենց առաքելութիւնն են իրականացնում ռազմաուսնական հաստատութիւններում, ՀՀ եւ Արցախի բանակային զօրամիւտումներում եւ զօրամասերում, միջազգային խաղաղապահ առաքելութիւն իրականացնող ՀՀ ՁՈՒ ստորաբաժանումներում: Հոգեւորական է կցուած նաեւ Երկրապահ Կամատրական Միութեանը: Ծառայութեան վայրում գնդերէցները քարոզ-դասախօսութիւններ են կարդում, անհատական զրոյցներ ունենում զինծառայողների հետ, կատարում հոգեւոր արարողութիւններ, կազմակերպում ուստագնացութիւններ եւ զինուորներին տանում մօտակայ եկեղեցիներն ու սրբավայրերը, կազմակերպում հանդիսութիւններ եւ հոգեւոր, հայրենասիրական կամ գիտական բովանդակութեան ֆիլմերի դիտումներ, այցելում մարտական դիրքեր, բուժկէտեր, հիւանդանոցներ եւ կարգապահական վաշտ, տարածում կրօնական եւ հայրենասիրական բնոյթի գրականութիւն են: Հոգեւոր սպասատրների առաջնահերթ ուշադրութեան կենտրոնում են յատկապէս խնդիրներ ունեցող, մասնատրապէս՝ ինքնախեղման կամ ինքնասպանութեան անգամ ամենաչնչին հակումներ ցուցաբերած զինծառայողները:

Հոգեւորականները իրենց նպաստն են բերում բանակի համապատասխան բնոյթների կողմից զօրամասեր ուղարկուող քարոզական, տեղեկատրական եւ վերլուծական նիւթերի ստեղծմանը, թղթակցում են բանակային մամուլին: Համացանցում www.armchaplain.com հասցեով գործում է ՀՀ ՁՈՒ հոգեւոր առաջնորդութեան պաշտօնական կայքէջը, նաեւ՝ ֆէյսպուքեան պաշտօնական էջն ու Եոթիուպի պաշտօնական ալիքը:

2010ին Գարեգին Բ. կաթողիկոսի օրհնութեամբ Հայաստանի Աստուածաշնչային Ընկերութիւնը հրատարակեց զինծառայողների համար նախատեսուած Նոր Կտակարաններ (ներառեալ Սաղմոսաց Գիրքը), եւ ՀՀ ՁՈՒ հոգեւոր առաջնորդի ձեռամբ բաժանուեց ՀՀ եւ Արցախի մարտական հերթապահութիւն իրականացնող գրեթէ բոլոր զօրամասերի զինծառայողներին: Յատուկ բանակի համար հրատարակուել են նաեւ աղօթագրքեր եւ բարոյախրատական ու հայրենասիրական բնոյթի գրականութիւն:

Այս տարիներին որոշ զօրամասերում կառուցուել են մատուռներ, նախատեսուած է նաեւ, որ մօտ ապագայում գրեթէ բոլոր զօրամասերն ունենան իրենց եկեղեցիները, որոնց նախագիծն արդէն հաստատուած է:

ՀՀ ՁՈՒ հոգեւոր առաջնորդութիւնը սերտօրէն գործակցում է քրիստոնէական մի շարք երկրների՝ Միացեալ Թագաւորութեան, Ֆրանսիայի, Յունաստանի եւ այլոց նման ծրագրերի հետ: Փորձի եւ տեղեկատրութեան փոխանակման, արդիւնաւէտ գործակցութեան նպատակներով բազմիցս ամենաբարձր մակարդակներով եղել են փոխադարձ այցելու-

թիւներ, համատեղ մասնակցութիւններ միջազգային համաժողովների եւ գիտաժողովների, դասախօսութիւններ եւ համատեղ քննարկումներ:

21 Սեպտեմբերի 2011ին՝ ՀՀ անկախութեան 20ամեայ յոբելեանի առիթով կազմակերպուած զօրահանդէսին, տեղի ունեցաւ աննախադէպ երեսոյթ՝ ՀՀ-ի հոգեւոր սպասարներն ու Մայր Աթոռ Ս. Էջմիածնի միաբաններն առանձին շարասիւնով մասնակցեցին զինուորական շքերթին: Հոգեւորականների՝ առանձին խմբով մասնակցութիւնը զինուորական շքերթին բացառիկ երեսոյթ էր ոչ միայն հայոց բանակի համար, այլեւ ամբողջ աշխարհի, քանի որ առաջին անգամ էր կատարուած նման ծելով մասնակցութիւն: Հոգեւորականները շքերթին մասնակցեցին ՀՀ ՀՀ-ի հոգեւոր առաջնորդութեան մարտական դրօշով, որի վրայ ասեղնագործուած է. «Օրինեալ է մեր ուղին, զի Աստուած ընդ մեզ է»¹³: Հոգեւորականների մասնակցութիւնը զօրահանդէսին դարձաւ աւանդոյթ. նմանատիպ մասնակցութիւններ եղան 2016ին Երեւանում եւ 2018ին Սարդարապատում տեղի ունեցած զօրահանդէսներին:

29 Յունուարի 2012ին հայոց բանակի վերակազմաւորման 20ամեակի առիթով Գարեգին Բ. Ամենայն Հայոց կաթողիկոսի կոնդակով Աշոտ Բ. Երկաթ թագաւորի խաչը («Սուրբ Նշան») յայտարարուեց հայոց բանակի պահապան ու հովանաւոր: Սրբագործ Խաչի կրկնօրինակը, որի կենտրոնում ամփոփուած է Քրիստոսի Խաչափայտի մի մասունք, օծուեց ու յանձնուեց ՀՀ-ի հոգեւոր առաջնորդութեանը: Այնուհետեւ ՀՀ-ի հոգեւոր առաջնորդ Վրթանէս սրբազանը նախաձեռնեց այցելութիւն ՀՀ եւ Արցախի մարտական դիրքեր՝ Խաչի նշանով օրհնելու հայոց երկրի սահմանները եւ գօտեպնդելու հայրենեաց պաշտպաններին: Իսկ արդէն նոյն թուականի Մայիսի 9ին հայոց բանակի պահապան Խաչն Արցախում էր, եւ մայիսեան եռասունի առիթով Ստեփանակերտում կազմակերպուած զօրահանդէսի ժամանակ հանդիսաւոր կերպով անց կացուեց զօրքերի առջելով: Այժմ Ս. Խաչը պահուած է ՀՀ պաշտպանութեան նախարարութիւնում: 2018ին նոյն խաչի տեսքով պատրաստուեցին կրծքանշաններ եւ բաշխուեցին հայոց բանակի բոլոր սպաներին ու զինուորներին:

Գնդերէցների գործունէութեան արդիւնաւէտութիւնն առաւել բարձացնելու նպատակով վերջին տարիներին զօրամասերի հասարակական կաւարներին թուին աւելացուել է եւ հոգեւոր կաւարներինը (ինչը նոյնպէս բացառիկ երեսոյթ է): Ստորաբաժանումներից ինքնակաւ առաջադրուած որոշակի թուով զինուորներ դառնում են գնդերէցի իւրայատուկ օգնականները՝ բնականաբար շարունակելով լիարժէք իրականացնել իրենց առօրեայ ծառայողական պարտականութիւնները: Սա զգալիօրէն դիւրացնում է գնդերէցիի եւ զինուորների միջեւ փոխալստահութեան մթնոլորտի ամրապնդումը եւ մեծացնում օգնութեան կարիք ունեցող զինուորների յայտնաբերման եւ անհրաժեշտ օգնութեան ցուցաբերման հաւանականութիւնը:

Բանակային հոգեւորականի եւ զինծառայողների միջեւ փոխյարաբերութիւններն իրականանում են բացառապէս վերջիններին կամաւորութեան եւ համաձայնութեան պայմաններում: Հոգեւորականը չի պարտադրում իր ներկայութիւնն ու ծառայութիւններն այն զինծառայողներին, ովքեր դրա կարիքը կամ ցանկութիւնը չունեն: Զանգուածային միջոցառումների ժամանակ, ինչպիսին է օրինակ մարտական հերթափոխի մեկնելուց առաջ աղօթքը, այլադասին կամ աթէիստ զինծառայողները պարտաւորաժութիւն չունեն անմիջական մասնակցութիւն քերելու, օրինակ՝ աղօթելու, այլ պարզապէս, ելնելով գերակշիռ մեծամասնութիւն կազմող Հայ եկեղեցու հետեւորդ ծառայակիցների կրօնական զգացումների նկատմամբ տարրական յարգանքից, ուղղակի կարող են լուր ներկայութիւն ունենալ: Իսկ եթէ կայ հնարաւորութիւն եւ դա չի հակասում զինուորական կարգականոնին, գնդերէցն ինքն է առաջարկում հեռանալ այն զինծառայողներին, ովքեր ցանկութիւն չունեն ներկայ գտնուելու տուեալ միջոցառմանը: Միւս կողմից էլ, եթէ որեւէ զինծառայող ունի որեւէ խնդիր, որի լուծմանը կարող է օգնել հոգեւոր սպասաւորը, վերջինս առաջարկում է իր օգնութիւնը եւ փորձում լուծել խնդիրը՝ անկախ այն հասկամանքից, թէ ինչպիսի կրօնական հայեացքներ ունի տուեալ զինծառայողը: Աւելորդ չենք համարում նշել, որ ծառայութեան ընթացքում շատ զինծառայողներ վերանայում են իրենց կրօնական հայեացքները եւ ինքնակամ փոխում վերաբերմունքը յօգուտ Հայ եկեղեցու դաւանանքի:

ՀՀ ՀՈՒ հոգեւոր առաջնորդութիւնը վաղուց արդէն կայացած կառոյց է, որի անցած ճանապարհը եւ զարգացման ուժականութիւնը լիովին վստահութիւն են հաղորդում, որ ժամանակի հետ վերջնական լուծում կը ստանան նաեւ առկայ ընթացիկ խնդիրները (օրինակ՝ վերջնական անցումը մշտական հիմունքներով փորձառու բանակային հոգեւորականների ամբողջական կազմի): Նորանոր ձեռքբերումներն անշուշտ առաւել կը նպաստեն հայոց բանակի եւ հայկական պետականութեան հոգեւոր եւ ռազմական անվտանգութեան ամրապնդմանն ու զարգացմանը:

ԾԱՆՕԹԱԳՐՈՒԹԻՒՆՆԵՐ

¹ Որպէս բանակային հոգեւորականի համարժէք հայերէնում յաճախ մէկ քառով կիրառում է կապելլանը (Հեղինէ Մկրտչեան, «Օտարահունչ Կապելլանը Հայոց Բանակում Կոչում է Հոգեւոր Սպասաւոր», *Շողակն Արարապեան*, Երեւան, 2012:4(283)), որն ուղղակի փոխառութիւն է ռուսերէնից: Մինչեւ 2016ը բանակային հոգեւորականը պաշտօնական գրութիւններում անուանում էր հոգեւոր սպասաւոր: 2016ին տողերիս հեղինակի կողմից առաջարկուեց գնդերէց եզրը: Առաջարկն ընդունուեց եւ տարածում գտաւ պաշտօնական մակարդակով:

² Մանրամասն տե՛ս՝ <https://www.icrc.org/rus/resources/documents/misc/geneva-convention-3.htm> :

- ³ Փաստոս Բուզանդ, *Հայոց Պատմութիւն*, թարգմ. եւ ծանօթ.՝ Ստ. Մալխասեանց, Երեւան, ԵՊՀ Հրատ., 1987, էջ 46-47:
- ⁴ Եղիշէ, *Վարդանի եւ Հայոց Պատերազմի Մասին*, թարգմ., ներած. եւ ծանօթ.՝ Երուանդ Տէր Մինասեան, Երեւան, «Հայաստան» Հրատ., 1971, էջ 109:
- ⁵ Ս. Աֆանասեան, *Սարդարապատի Յաղթանակը. Հայաստան, Մայիս, 1918*, Երեւան, 1985, էջ 41. նաեւ՝ Յարութիւն Թուրքեան, *Սարդարապատի Հերոսամարտը*, Երեւան, 1965, էջ 129-130. նաեւ՝ *Վաներագրեր Հայ Եկեղեցու Պատմութեան, Գիրք Ե., Մայր Աթոռ Ս. Էջմիածինը Առաջին Հանրապետութեան Տարիներին (1918-1920 թթ.)*, կազմ. Ս. Բեհրութեան, Երեւան, «Ոսկան Երեանցի» Հրատ., 1999, էջ 5, 15-16:
- ⁶ *Հայաստանի Հանրապետութեան Պաշտպանութիւնի Օրէնքները (1918-1920 թթ.)*, կազմ.՝ Ս. Միրզոյեան, Մ. Անտիսեան, Զ. Յովհաննիսեան, Ա. Զիլինգարեան, Երեւան, 1998, էջ 69:
- ⁷ Մանրամասն տե՛ս՝ Պարգեւ արքեպիսկոպոս Մարտիրոսեան, Մ. Ա. Յարութիւնեան, «Արցախի Թեմը եւ Ադրբեջան-Ղարաբաղ Հակամարտութիւնը», *Հայկական Բանակ*, Երեւան, 2001, 1-2 (27-28), էջ 84-8:
- ⁸ 1999 Պեկտեմբերին նրան փոխարինեց Արշէն արեղայ Սանոսեանը, ում էլ յաջորդեց Նորայր արեղայ Սիմոնեանը: Իսկ 2007 Հոկտեմբերից առայսօր ՀՀ ԶՈՒ-ի հոգեւոր առաջնորդի պաշտօնը կրկին ստանձնել է Վրթանէս եպիսկոպոս Աբրահամեանը:
- ⁹ Տե՛ս օրինակ՝ Ս. Ներսես Շնորհալի, *Թուղթ Ընդհանրական*, Երեւան, Գանձասար Հանդէս, 1991, էջ 114-6:
- ¹⁰ *Վաներագրեր*, էջ 73-4:
- ¹¹ Տե՛ս Արշէն արեղայ Սանոսեան, «Բանակային Քահանաների Հաստատութիւնը ՀՀ Զինուած Ուժերում», *Հայկական Բանակ*, Երեւան, 2001, 1-2 (27-28), էջ 100:
- ¹² http://www.gov.am/u_files/file/kron/kekegheci.pdf :
- ¹³ Դրօշի օրինութիւնը կատարուել էր Մայր Տաճարում՝ Գարեգին Բ. Ամենայն Հայոց կաթողիկոսի ձեռամբ, այն նոյն կանոնով, որով 1827ին օրինուել էր հայ կամատրական ջոկատների դրօշը Մկրտչեան:

THE SERVICE OF CLERICS IN THE ARMENIAN ARMY (Summary)

FR. NERSES ASRYAN
monk-deacon@mail.ru

Having clerics in national armies is not unusual. In fact, the US, UK, French, Greek, Czech, Danish and Norwegian armies have among their rank and file a number of clerics who provide spiritual guidance to all those who wish it. In fact, the presence of clerics in the army has been recognized internationally, and even their rights as POWs are clearly specified, particularly in the Third Geneva Convention.

The Armenian national army is not an exception in this regard. Clerical services were introduced in the Armenian army in 1997. Currently there are over 70 clerics who provide Christian guidance to the servicemen.

The author outlines the history of the inclusion of clerics in the national army of Armenia, the adoption of legislation which enabled their official presence there, and the socio-spiritual mission they carry out.